



REPUBLIKA E KOSOVËS
REPUBLIKA KOSOVA – REPUBLIC OF KOSOVO
GJYKATA THEMELORE FERIZAJ

Numri i lëndës: 2018:013136

Datë: 29.08.2018

Numri i dokumentit: 00114302

REPUBLIKA E KOSOVËS REPUBLIKA KOSOVA



P.nr.575/18

NË EMËR TË POPULLIT

GJYKATA THEMELORE NË FERIZAJ – Departamenti i përgjithshëm-divizioni penal, me gjyqtarin individual Adem Shabani dhe me zyrtaren ligjore Kadishe Shabani, në çështjen penale kundër të pandehurit [REDACTED] me vendbanim në fshatin [REDACTED] Komuna Shtime, për shkak të veprës penale vjedhje e rëndë nga neni 327 par.2 nën par.2.5 të KPRK-së, sipas aktakuzës së PTH-së në Ferizaj PP/nr.732-3/18 të datës 24.04.2018, pas mbajtjes së shqyrtimit gjyqësor fillestar me dt.29.08.2018, në praninë e përfaqësuesit të akuzës prokurorit shtetit Abdullah Abedini, të dëmtuarit [REDACTED] dhe të pandehurit, të njejtën ditë mori dhe publikisht komunikoi këtë:

A K T G J Y K I M

I akuzuari [REDACTED] nga fshati [REDACTED] Komuna Shtime, i lindur më [REDACTED] nga i ati [REDACTED] e ëma [REDACTED] e gjinisë [REDACTED] shtetas i Republikës së Kosovës, shqiptar, ka të kryer shkollën fillore, i gjendjes së dobët ekonomike, i pa martuar i pa punë, me nr.personal [REDACTED] mbrohet në liri.

Ë S H T Ë F A J T O R

Sepse me datë 06 .10.2017, në kohë të panjohur, në parkingun e quajtur “Mustaf Goga “ në rrugën “Tahir Sinani”, me qëllim të përvetësimit të kundërligjshëm për vete, nga automjeti “Seat Altea”, ngjyrë e kaltërt ka marrë një revole të tipit “ZIG PX0”, prodhim turk, kalibri 9 mm, me numër serik [REDACTED], prone e të dëmtuarit [REDACTED].

-me këtë ka kryer veprën penale penale vjedhje e rëndë nga neni 327 par.2 nën par.2.5 të KPRK-së.

Gjykata në bazë dhe neneve 4, 7, 17, 23, 41, 42, 43, 45, 73, 74, 75, 76 par.1 nën par 1.3 të KPRK-ës, dhe nenit 365 të KPPK-së, e:

G J Y K O N

Të akuzuarit [REDAKTUAR] i shqipton dënim burgimi në kohëzgjatje prej një /1/ viti të cilin dënim do ta vuaj pasi që aktgjykimi të merr formën e prerë, nën kërcënim te ekzekutimit me dhunë.

Idëmtuari [REDAKTUAR] me vendbanim në Ferizaj, rruga [REDAKTUAR], kati [REDAKTUAR] për realizimin e kërkesë pasurore-juridike udhëzohet në kontest civil.

Obligohet i akuzuari të paguaj paushallin gjyqësor në shumë prej nga 20 Euro, në afat prej 15 ditësh nga dita e plotfuqishmërisë së këtij aktgjykimi, nën kërcënim të përmbarimit të dhunshëm.

A r s y e t i m i

Prokuroria Themelore në Ferizaj me aktakuzën PP/nr.732-3/18 të datës 24.04.2018, e ka ngarkuar të pandehurin [REDAKTUAR] me vendbanim në fshatin [REDAKTUAR] Komuna Shtime, për shkak të veprës penale vjedhje e rëndë nga neni 327 par.2 nën par 2.5 të KPRK-së.

Gjykata duke vepruar rreth kësaj çështje penale konform nenit 245 par.1 të KPPK-së me dt. 29.08.2018, ka mbajtur shqyrtimin fillestar në të cilin kanë marrë pjesë prokurorja e shtetit Avdullah Abedini, dhe i pandehuri [REDAKTUAR].

Në shqyrtimin fillestar gjyqtari ka konstatuar se i akuzuari në afatin ligjor me kohë së bashku me ftesën për shqyrtim, ka pranuar edhe një kopje të aktakuzës.

Në fillim të shqyrtimit fillestar i akuzuari është udhëzuar në kuptim të nenit 246.1 të KPPK-së pastaj gjyqtari gjykues ka çmuar se të drejtat e të akuzuarit janë respektuar, e më pas prokurori i shtetit ka lexuar aktakuzën të akuzuarit, ku gjyqtari gjykues është bindur se i akuzuari pas leximit të aktakuzës e ka kuptuar në tërësi aktakuzën me të cilën është akuzuar, të njëjtit i ka dhënë mundësi të deklarohet mbi fajësinë apo pafajësinë e tij lidhur me veprën penale për të cilën akuzohet.

I akuzuari [REDAKTUAR] në shqyrtimin fillestar e ka pranuar fajësinë për veprën penale që akuzohet dhe në vazhdim ka theksuar se ditën për të cilën akuzohet ka shkuar në Ferizaj, dhe pas[i] është shëtitur në qytet ka hyrë në një kafiteri ku ka qëndruar një kohë, dhe kur ka dalë nga aty në parking është ofruar afër një veture dhe e ka provuar derën e saj se a është e hapur dhe ajo ishte e pa mbyllur me qelës, e ka hapur derën dhe ka hyrë brenda ku aty hapur fiokën përpara në veturë ku aty ka vërejtur një revole e cila ishte e zbrazur dhe të hequr edhe karikatorin nga revolja ku në karikator kishte tetë plumba, dhe e ka marrë revolen nga aty dhe ka dalë jashtë veturës dhe e ka vendosur në brez dhe është nisur për në qytet dhe ka

